


皇元風雅

後集

二

02  
7  
1





百々復太郎寄贈

# 皇元風雅卷之三

後集

○王蘭思宣慰

題武夷九曲圖

一曲溪邊一曲仙  
權歌遺響有誰傳  
西風吹入無聲畫  
來上江東子靜船

○朱本初

盜發亞父塚

戲馬臺前泥墻塚  
英風千載行人竦  
塚中寶氣騰光芒  
識寶賈胡心為動  
築室潛謀二十年  
一朝鑿井穿其龍  
各施九斗森環拱  
石穿棺翼更分明  
漆光可鑑剛而筆  
斷之不用揮金椎  
白骨儼然金頂踵  
室劍未化橫蒼虬





金玉輝耀氣交擁貴胡致富須臾間棄骨溝中寧愧恐  
平原無色鼓角悲山鬼夜號川澤涌太守陳公英俊才  
慨歎茲偷吾所統亟呼五百取羣盜械置狴犴見仁勇  
傷哉臣父天下奇鴻門高會直危機火龍飛起實天意  
拔劍起舞空尔為風雲變化失隆準玉斗一碎山河非  
如公明義古亦少發憤乃作鼓城歸六合茫二漢疆土  
厚葬何人哉可嗤君不見驪山牧豎遺燼醢不如王孫  
裸葬良亦足

○查廣居

汲二歲年徂慘二水霜厲君子不遑舍明發戒行李南  
臺雄且高國家所仗倚辟祿無凡材今子足稱是謬二  
鋤蕪食軒二福悵驚風俗歸之正郡邑得以治御史不  
敢爭簡書豈非議持空狐狸穴動有鷹隼氣仕宦等一

擲名節在萬世皇二吾君業正朔越裳被今歲一再  
求言強次異況子得言秋盡休堯舜意吾師范德機每  
與論茲事露坐山月高撫劍各流涕我本滄浪人鼓枻  
從此始

二銀女祠

銀冶二女祠撫州之金溪其家姓葛氏无字年未笄羞  
顏不出戶宛委守禮儀在唐室曆歲其父為胥吏官家  
起銀場日夜遭筆楚勤紅問父苦玉頰啼珠雨父命其  
苟活誓以死相許禽獸尚知義報父寧无心投身入銀  
冶遂化成白金郡縣驚且嘆奏名上朝端下詔罷冶  
雞犬皆平安已經五百歲歷二人猶傳荒祠俯流水像  
設還儼然世間盡兒女此事誰能尔緹縈曹娥去未有  
堪倫比可比惟皇英双魂抱煩冤至今湘江竹出土含



淚痕

孝子行

豐城康孝子至元十九年鄉冠大作子負  
母冒刃逃及靖孝養終身與江革不殊惜  
無史書之揭翰林近題其墓曰有元純孝  
康公之墓又爲作文刻石虞孝士書之

豐城昔在至元歲寇賊紛二亂如鬼是時康生抱母行  
不死白刃天有情固知至願天必感母子全活見太平  
康生雖死猶未死往二遺民言此事有如江革遭亂  
負母逃潛經險阻情詞測二賊捨之孝德還堪耀今古  
烏乎薄俗操鏡同墓上請看純孝字

田師孟

分韻

清明與省郎毛潛夫杜孝先用內翰景遠  
元樞客復初儒生盧德生會飲分韻得復  
字呈秋泉功遠二仙伯

冠袍裹身厭拘束惜春只覓光陰愛雪融波面綠痕添  
風着花枝亂紅蕖杜陵才子本茅屋十年省署叨粟肉  
芝檢番香白晝晴時尋勝友相追逐毛君古丈夫內翰  
五車讀元子真英豪文華過潘陸德生味道餘腴閉門  
樂幽獨漫郎潦倒雙鬢禿志在酒船三百斛相逢一笑  
宇宙間羽觴未盡還再復醉中更約二仙人共訪赤松  
參辟谷

○黃君山瑞

蕨其歌

信州二官萬鍾粟殺馬樵牛日絲竹信州鄉民蕨作糧



三月懷飢聚頭哭。麻其開葉不可食。麻根有粉聊鋤鋤。  
偏攻性冷損胃氣。民面生黃苦憔悴。縣不申聞郡不知。  
官中有米重封閉。重封閉將若何。衆人歌我麻其款九。  
坐莫唱靈芝歌。

雙燕吟

雙燕雙二飛。更復雙二栖。穿花掠水雙啼。泥簷前緝壘。  
雙哺兒。春風一雙至。秋風一雙歸。念尔雙不得。故巢須  
獨依。莫孝人妻。朝亡其夫。暮嫁之。莫孝人夫。暮亡其妻。  
朝納妃。

酒

麴生春出小槽。幾人耽酣日陶。一笑吞鴛鴦。杯中月。  
貧典鵲鵲花下袍。內府蠟傳紅琥珀。西京秋壓紫葡萄。  
康儀狄今安在。回首丘陵半是糟。

送信州守

羅池水暖碧鱗香。池上韶鈞舞鳳凰。玉節引班天咫尺。  
信州太守奏農桑。

送琴士歸杭

雲中歌斷紫芝歌。不奈周君欲去何。十里湖山好明月。  
却吟隨處醉人多。

康里夔

題鈞臺

子陵才業高千古。當使君王入夢思。漢祖規模只如此。  
惜哉堯舜不同時。

送高中丞南臺

鵲鵲洲邊明月。鳳凰臺上清風。人物江山兩絕才。高不  
爲時容。



○張天師太乙子

漆京八景

鳳閣朝陽

開國行都重朔城大安高閣煥鳴名中天旭霽昭黃道  
萬象春熙拱

帝京瑞露氣浮仙掌動文星光挹泰階平朝元羽佩輝  
蟬冕長振琳琅侍

玉清

龍岡晴雪

陰山積雪宜春秋雲景玲瓏燦十州玉展畫屏常翻展  
翠嶺香霧繞龍樓吟懷煖動鼠鬚筆酒力寒輕狐白裘  
清暑年二動游幸冰壺六月坐垂旒

勅勒西風

勂勒連營意氣豪西風沙漠靜驚濤皂鵬背影銜金鏑  
赤驥騰空頓紫條入夜胡歌譜筆箋蚤時新酒壓葡萄  
旃戶處二人長樂方里雲屯雪自高

烏桓夕照

烏桓列部拱提封落照千山返映紅遠樹參差連塞北  
斷霞明滅際遼東牛羊下夕羣屯霧鷹集橫秋勢掠風  
亦有隱淪懷濟世何時歸獵載非熊

漆江曉月

漆江曉月漾玻璃皓景沉二碧海西監牧平沙時洗馬  
趣朝青鎖政聞鷄鐘聲破霧騰珠剎橋影垂虹枕玉溪  
風德祠臣勞舊從恩承紫誥又春泥

松林夜雨

百萬蒼虬幾雪霜夜深和雨激滄浪秦金賜爵揔東岱



漢玉搜才負相梁。劔戟森嚴。威靈最盛。暮佩環。鏘奏際時良。  
千年琥珀應流地。服餌身輕。久帝鄉。

天山秋獵

駕幸天山。校獵場。夜嚴精騎。裹糒糧。鷹隼。韓脫臂。高橫塞。  
雉箭穿雲。急解囊。豈但馬毛供俎。且要知。閱武固金湯。  
歛圍賜宴。千軍醉。駝背。纍毛。撚兔。羊。

陵臺晚眺

李陵行處。莽平原。秋見荒臺。思愴然。野日。斷鴻。空。送晚。  
塞雲。歸鶴。不知年。千重牙帳。開周後。萬里長城。啓漢前。  
雅調。蚤傳來。魏闕。賡歌。尚擬。頌堯天。

薛玄卿

送文郎中奉使交趾

天子龍飛。統萬邦。玉符封檢。下殊方。遠人盡是。雕題。獠。

奉使唯應。粉署郎。翡翠飛時。銅柱濕。鵲啼。點。石門荒。  
炎風苦雨。煩。珍重。菱葉。攢。取。次。膏。

次韻歐陽侯。濠池觀荷

行二濠池上。亭二見長荷。瓊葩。艷。初日。碧。菱。卷。輕波。深。  
浦。曉色。亂。微雨。晚香。多。方。舟。時。自。移。高。軒。或。來。過。豈。无。  
河朔。飲。聊。復。發。商。歌。商。歌。一。慷慨。此。物。奈。君。何。

楚宿山。同虞博士。王待制

迢二楚宿山。峯。亦。何。崔嵬。朝。登。猛虎。嘯。暮。宿。玄猿。哀。高。  
風。四面。發。花草。爲。誰。開。傳。聞。章。皇帝。此。地。昔。徘徊。龍。駕。  
竟。不。返。浮。雲。空。往。來。秀。色。九。天。外。巨。灵。不。敢。摧。颺。搖。散。  
襟。帶。覽。結。何。悠。哉。

宋顯父秘書惠海子北門之什。次韻答之

得君佳句。見君情。春半閑從海上行。紅杏啼鶯。沙苑遠。



綠楊嘶馬浣堤平。玉山地勢連。雙闕金水河流注。夾城  
萬乘以仁懷。遠近遊觀。宜著魯諸生。

燕巢總管玩芳亭子

栗氏林亭好。飄飄二借馬。游樂閑當戶。密花逕近城。幽未  
許朝參。懶聊爲送。與留使君行。樂處風物。爲春柔。

送陳都事銓遷雲南兼簡李廉訪

送君銓遷使滇池。部落諸夷善品題。明月先經燕子北。  
長風却度夜郎西。山涵空雨。驛驢滑。花壓空雲。杜宇啼。  
爲問霜臺李廉訪。白頭官滿尚羈紲。

送朱本初之玉隆宮

西山紫翠發芙蓉。師拄道遙第一峰。慎勿旣弓思射鹿。  
祇須鑄鉄亭降龍。閑穿曉月鉤芙蓉。醉拂秋風卧古松。  
應憶京華舊時處。蓬萊坊畔五雲重。

高遠堂

數椽茅屋雲中出。一抹青山坐上看。讀罷龍黃歷。看雨後  
刺桐花落鳥啼空。

贈聶尊師

青山寂寂雨瀟瀟。二一箇長松翠欲飄。白髮道人年八十。  
小樓間坐說前朝。

游張公洞簡常守劉道中

赤鳥一載發吳奇。空洞深沉道路危。翠竇下攢山瀑落。  
紫雲中廓石膏垂。鉄船通海時難遇。金鼎調元事可期。  
祇恐使君同變化。白螺來往少人知。

張一無

寄薛玄卿

上界真人金馬貴。山中道士皂衣輕。一彈指頃三千劫。



何日逢來問淺清

○黃松瀑

自麻仙至華架道中作

三步五步歇六日七日晴豈不念我歸春色相送迎前  
宵社酒散行將及清明紅紫小零落嚶二相和鳴叢薄  
山樊花玩之有餘馨亦欲寄所思歸鴻已宵征悠悠不  
可極惻二誰為情荒二誰為語麻二曳杖行

飯山道院

萬鍾鼎食不到我正自不必西山餓飯少雲氣如炊煙  
三食而返腸果然臨川丞相有素願何處獨無魚羹飯  
勸君飯客先飯窮往二乞丐皆英雄

題高麗五明馬

海波不動關梁通虬髯使者來吳中名驢額間掛明月

四蹄猶帶龍堆雪仰妹不受田家藟大官之羊五味俱  
賢才萬里不難致糠粃不充肝老矣

次韻謝新荔

海國仙人剪絳霞年二一朶到山家眼中玉色如何晏  
席上風流得孟嘉野客不分唐殿帶老臣并按建溪茶  
醉來往事都休問且擘輕紅對晚花

寒食食中

明朝便典黑貂裘寒食寧無數日留煙斷舊嘗悲介子  
火衰今不祀商丘百年盡付風吹柳一雨遠隨山入樓  
安有五侯鯖到我自修茶品試香篝

墨梅

去年曾訪林君宿烟水蒼茫鶴未歸不似對君橫小幅  
一枝和雪照柴扉



客語

舊時供奉曲歌者亦無人但感歲年晚不知天地客  
猶談寶慶吾亦及咸淳何處花過飛來點角巾

午日

世故一炊黍吾生百鍊銅客情傷髮白睡眼對榴紅  
幽冥二雨鍊衣細二風欲論千古恨一見楚南公

○于仲元

度車庸關思親

車庸之關高嵯峨霜乾水淺寒無波大風捲沙聚作嶺  
大車碾斷深成河商女蹋歌喚馬嘶胡兒行鼓撾駱駝  
斜陽駐馬一回首故鄉萬里秋雲多

○危太樸

臨川人

暮冬

種稻南谷口凶歲困倉虛晚值老農語出口三嘆四幸  
有高亢田種麥給群需有麥且勿憂無麥將焉如  
昔謂厓谷底其俗異黃農浪迹城府歸却愛淳樸風儼  
夫不射鴈二公與兄弟同羽主豈知道天理諒三三

徐人歌

季子有劍秋水色徐君見之惜不得徐君墓上荒草空  
季子解劍掛樹間一死一生見父義嗟哉延陵吳季子

○楊季

豫章人

晚憩澗北亭

我性喜消散東園時獨行高亭俯絕澗下有流泉聲秀  
木翳繁蔭朱華散微馨踟躕澗上歸夕露沾我纓人生  
忽如寄何乃苦營二漫游在空谷歎彼有餘情

夏日山中讀書



翳二嘉木陰結戶三四椽。白風五月中。日夕聞鳴蟬。居閒復奚爲。涵泳聖人言。時於會心處。撥卷自欣然。

送別錙伯章歸省時錙方悼亡故并致其意  
斗酒酌未盡。離人去匆二。歸心逐海月。飛遶香林峰。二前綠蘿樹下有五畝宮。上堂壽尊親。手把黃金鍾。入室獨無依。風吹羅幙空。錙有兩小妾。顏色如花紅。不敵伉儷情。虛爲天冶容。人生百年內。哀樂本無窮。自非曠士懷寧免勞苦。其中心堅抱節義。行止慎其躬。贈言匪諧謔。勗尔保令終。

○包肥川淮

幽居

雲衣交游山作賓。道心爲主自安貧。未判無端見同物。竹帛有名終累人。綠水一潭澄靜性。青山萬疊裹閒身。

紛二望拜馬蹄下。不見胸中萬斛塵。

七夕

欲理凌波踏造舟。不知浦架勝蒙鳩。漢陰抱瓮蒼顏老。不上今宵乞巧樓。

謾成

三春胡蝶誰云夢。六月蒼蠅詎可憎。未怪康衢了有虎。每疑太極裏無僧。

○周德可蘭溪人

送衣篇

長城萬里飛秋沙。弓馬夜驚雪作花。龍泉吐光射天地。是妾掩鏡夫辭家。此時惜別方壯年。年二花發園中煙。征鴻無書日苦短。牛女夜二銀河邊。萬尾欲霜楓似綺。親送寒衣數十里。匣裏顧長盧孤飛。山過望夫道湘水。



湘水無情漾白波望夫山下浮青螺長途行處意悽愴  
誰家嬌女終夜歌衛霍功高尤驥武善馬未歸燕不乳  
關河回首路迢遙愁雲西山水南浦夕陽孤館傳征軺  
一身百慮雙涕交中宵無人語聲絕風吹燭短山月高

寄遠

邊風驚枕簾漢月耿房帷何處懷人切停校見鴈時寒  
生衣莫寄瘦盡鏡先知願子長努力效忠歸未遲

○陳敬齋

呈蔡府判

東風一夜拂清褰如許文明治象還萬古乾坤一東魯  
七閩日月兩西山寒梅寂二春華麗喬木森二古意間  
獨奏瑤琴生客恨有誰隔月听得暖

舞劍歌

曉騎白鶴入滄海手携青龍浴寒水背負河圖天地文  
或交或化疑神鬼始對双鸞出林垌終与孤鶴翔風塵  
翻二又在瑤池間戲与群仙買歡醉青龍顧我浩氣疲  
欲假明月橫波睡我亦假之一霎間倏然飛去天牛間  
千呼万喚不肯下且吐風雨飛漫二

呈方達齋

端平諫臣心似鉄忠肝落紙天地悅羅浮山下種梅花  
独倚西窓看晴雪古來老鳳生鸞兒錦雲兩翼星斗披  
朝浴春風片藻池夜眠涼月槐杏枝君不見丹山一溪  
水化作春陽時雨飛千門教渴不苦旱木草潤澤生華  
輝方達齋真吾師童風吹我面皐比况使青灯照雨思  
○舒元易

聖節詩



樂奏雲門金闕高春風以酒入蒲萄九重天上尊堯舜  
萬歲聲中拜禹臯仁藹乾坤知帝業明同日月見秋毫  
願推大道為

君壽不用瑤池萬海桃

○懷出南

贈墨士

魚胞万杵成玄玉應是柯仙得妙傳鉄硯毛錐為密友  
何時海上別回仙

○王玄翰

南山有猛虎

南山有猛虎欲以赤手屠山下一老人見謂尔甚愚  
冠与裂背所詫乃匹夫古來功名士遐攬王伯圖幾先  
非快意道遠慎前謨奈此謬其逢試之誠已疏奇中或

偶然并往類難虞丈夫雖賭命慷慨易長途苟无金石  
堅何以當變偷苟无忠誠心何以涉崎嶇斯言願二復  
歎社愧弗如吾行庸可驚聊取一笑娛且尽飲斗酒長  
揖歸衡庐

○高况梅

擬古

楚人有和氏懷宝空待價玉石苟未分胡事哭長夜人  
生豈不辰物二該造化賢哉有蔭翁託身以耕稼

○張南臯

贈丹士

天地炉中有太丹朝飛東海莫西山一年三百六十粒  
十粒輕拋去不还

○危琴樂



送芳潤葉道士

二十四岩凌紫清琪花瑶草日初晴抱琴曾侍群仙宴  
記得鈞天一兩聲

○韓中村

鴻門宴

花雁綉膊怕抹額勇士如門森劒戟沛公對酒顏如灰  
主人重瞳光照席重瞳座上身如寄卮酒未吞心已醉  
醉酣不辨真天人百万貔貅眼中睡春融玉帳香風開  
鳴三帳下箏琶哀目前等作万口計軍声四面散如雷  
沛公唯喏非无意油中暗挈秦天地此時可想听得異  
四面軍声皆後騎

征婦歎

虎頭將軍眼如電領兵夜渡黃河面良人腰懸大羽箭

遼東掠地遼西戰一紙紅牋寄春怨十年消息無歸便  
日長花柳暗庭院斜倚粧樓倦針線心憶良人嗔不見  
手擲金彈打双燕無術平戎報明主恨身不是奇男子  
倘妾當年未嫁夫請李明妃獻西虜

岳王墓

妖星墮地芒角赤龍劒悲吼風蕭瑟中原王氣挽不回  
將軍一死鳴光擲秦家小兒真戲劇播弄造化搖樞極  
拍讎爲親忠且逆隻手上遮天力九關茫隔天日  
無由下燭臣愚直臣愚萬死不足惜國恥未前猶噴  
古墳埋冤血空碧風雨年二土花蝕我恐精忠埋不得  
白日英魂土中泣請將衰骨斲出荒苔痕獻作吾皇補  
天石

對月吟



霜風捲地霜氣乾。碧空照水生晴寒。天公合就七宝團。  
何年轉向玻璃盤。婆娑桂樹籠仙窟。夜二飛從海上出。  
遂使時光挽不留。盡向婆娑影中沒。幾人綠髮紅顏好。  
照見顏衰髮應槁。年去年來無盡時。政恐月中人亦老。  
客窗見月空沉吟。碧紗如霧愁人心。燭花撲散香篝灺。  
下階踏碎梧桐陰。

憶去年

江湖渺。白鷗前。歸路春風憶去年。細雨孤燈村店夢。  
冷煙殘雪落梅天。驛行多避官人馬。水宿怕逢網吏船。  
行李半肩吟卷重。過津恐索稅詩錢。

○況有吾吾縣尹

題梅卷

牡丹他館開春殘。多少詩人被眼瞞。我有癯仙最知己。

一枝留與雪中看。

○呂元卿

晚宿郎官湖

半煙半雨樹扶疎。盡出元暉水墨圖。最是一天秋月白。  
不隨魚鰖入官湖。

月夜洞庭舟中陪九江茶漕五哥同知宴酒  
邊索詩遂賦

朔風翦鬢向君山。歲晚霜華爲改顏。吟望滄浪湘水遠。  
醉歌欸乃洞庭寬。那能袖手無遊處。何似乘槎訪廣寒。  
莫道岳陽無醉客。洞庭賓元只在人間。

○陳小庭

大孤山至湖上

大孤大孤何渺茫。小孤誰說嫁彭郎。鞋山對面四千里。



屹立宛在湖中央。行轉清江過湖口。波濤如此今何有。  
天公助我半帆風。江神勸我二盃酒。

○章表吾

次韻徐可齋嘉禾馬上見寄

世事悠悠二兩鬢。塵始今古一郵亭。草屋春動吾猶懶。  
蕙帳寒生子獨醒。萬里關河秋鴈斷。十年書劍夜燈青。  
東風又是離愁處。芳草萋萋白鷺汀。

○許存我

次韻吳叔廉山村回文

田繞青山好住家。短籬疎圃接丘麻。煙村遠近棲鴉亂。  
竹岸高低飛鷺斜。泉噴石間岩湧雪。霧浮堤外柳吹花。  
連雲碧色秋風冷。眠犢黃昏草長芽。

○劉共叔

夜坐江亭

明月出林杪。大風吹漸高。軒窗墮圭壁。朽樹起波濤。隣  
笛悲歡併。江鳴去住勞。倚欄惆悵久。霜露濕絳袍。

城中至日

我道何曾長。城中獨重冬。酒殺分市卒。冠履祝家公。日  
暮空江見。梅花亂世逢。故鄉還往在。筋力愧兒童。

○葉千林

送李石泉

風雪令人瘦。關河怕酒醒。過橋春水綠。送客晚山青。若  
馬已先發。我舟猶暫停。臨分耿無語。江上兩宮二。

○葉天趣

孟明 章真

感寓

顏曾志道德。汲汲思競辰。盜跖膾炙人。白首甘惡人。是



非兩忘羊萬古同埃塵何如盡棄置宴坐觀日輪風吹  
紫藤花較二沾衣中興發自一孟陶然泰和春

秋夜和韻

西風何處來鼻觀古香發夜深耿無寐踏破松窻月美  
人期不至跣坐雙背裂一掬可憐心青燈照愁絕

皇元風雅卷之三

後集



